

重修棗陽縣志卷之九

人物 列女

列女傳

漢節義長公主名元南頓君之女而光武帝之姊也初南頓君娶同郡樊重女性婉順嫺雅自爲童女必正容服乃出於房宗族咸敬之生三男三女長續次仲次光光武帝長女黃次元次伯姬元適新野鄧晨漢兵起晨將賓客會棘陽漢兵敗小長安帝單馬遁走遇女弟伯姬與共騎而奔前行復見元趨令上馬元以手搗口行矣不能相救無兩沒也會追兵至

重修棗陽縣志

卷之九

列女傳

元及三女皆遇害帝卽位悼姊歿於亂兵追封諡元爲新野節義長公主立廟於縣西封晨長子汎爲吳房侯奉公主祀次子侯爲西華侯晨卒詔遣中謁者備公主官屬禮儀招新野主魂與晨合葬於北邙

元 烈婦丁氏適朱某夫病侍湯藥累月不解帶及歿不欲獨生自經於夫棺側事聞旌表

鍾氏生員尚賢妻也年二十六歲夫歿遺子諤甫數歲氏斷髮自矢閉戶不出人罕識面

胡烈婦者渤海劉平妻也至元間平以罪戍棗陽車載其家

夜宿沙河旁有虎啣平去氏追及力撻夫足呼兒付刀刺虎  
虎死平亦斃扶屍歸葬事聞命恤其母子並旌異之至今傳  
其地曰臥虎冲

明 節婦干氏李忠妻也年十八歸李生子相越二年忠以  
時疫歿氏痛甚自經氣已絕矣家人救下逾時復生有謂之  
曰夫有遺孤撫孤成立卽所以慰亡人地下也氏悟教和有  
義方孫端成化辛丑科進士

吳氏楊美之妻歸楊後事姑以孝聞年二十九美歿姑老無  
子有二女氏仰事俯育孀居三十餘年遠近以節孝稱焉

重修棗陽縣志

卷之九

列女傳

二

王氏舉人郝忻妻也年二十九忻歿撫遺腹子家貧紡績以  
給朝夕子得成立書香不絕

袁氏錢如山妻知州盛之長女也年二十五如山歿守節撫  
孤以養以教子朝用正德丙子科舉人

王氏袁廷鉞妻年十九夫歿遺腹子長齡氏撫之慈而兼嚴  
壽七十一歲終知縣梁紹允高其節賻之以金且旌其門  
張氏檀天齡妻年二十五夫歿毀面自誓撫子維喬維久皆  
成立維喬歿妻錢氏堅志守貞稱一門雙節

施氏監生李木妻年二十七木歿遺子紹先尙在襁褓奉姑

教子苦節著聞邑人爲之請旌得入例

杜氏池州教諭袁威如子婦也夫故無子氏爲威如置妾生子仲升而威如歿氏撫育仲升成立遊黌序事聞旌表

李氏貢生趙稽古妻也稽古任紹興教諭母八十餘令氏及幼子在家奉養姑歿葬畢赤貧無依攜穉子之紹興稽古又歿兵阻路斷順治五年始以稽古骸骨行乞歸里瘞之舅姑墓側編蘆以棲者閱二十年

王氏生員李樹聲妻也三十夫亡氏撫諸子教養兼至崇禎己卯長子綦舉於鄉官鳳陽府同知以恩封太宜人

重修襄陽縣志

卷之九

列女傳

三

國朝 節婦趙氏生員李藻妻也明末寇亂氏奉庶姑張氏避山中藻守城死難子女俱無氏矢志養姑清操勁節歷三十年如一日縣令崔爾瞻請於上 旌其門焉

施氏陳桂芳妻年二十四夫歿子士舜甫三歲士潛甫一歲桂芳兄嫂相繼歿兄子士賢歲未週氏上奉翁姑下撫子姪邑中咸稱其賢乾隆五年共請 旌如例建坊

劉氏張師良妻年二十八夫歿撫子建綸教訓有方建綸登乾隆乙酉科選拔以母節呈於上請 旌如例建坊

梅氏李長祚之妻也適李年二十夫歿守節以夫所遺田地

七百餘畝盡捐以修學宮訓導王希傳記其事

詳藝文志

唐氏庠生張烈妻年二十夫歿遺子連軫甫一月氏撫之成人延師課讀補博士弟子員孫治中雍正壬子科武舉

胡氏朱宏俊妻年二十六夫歿子文楷方幼教訓極嚴楷十六入泮亦亡撫孫維黈登乾隆癸酉科選拔

王氏賀榮妻適賀事姑以孝稱年二十八夫歿子士勳甫歲餘姑老且病氏奉姑訓子備嘗艱苦士勳補博士弟子員

王氏賀方騰妻年二十六夫歿遺子士果士上俱穉氏冰心自矢訓子成名俱列膠庠

重修棗陽縣志

卷之九

列女傳

四

王氏賀方盛妻年二十九夫歿矢志撫孤飲冰茹荼紡績自給孫芬乾隆己卯科舉人官輝縣知縣

張氏生員楊若璟妻年十九夫亡無子矢志守節以姪成早為嗣

李氏王明章妻年二十七夫亡撫子立勳娶張氏立勳復故氏同張撫二孫大忠大恕俱列庠序

賀氏曹銳妻二十四歲夫亡守節乾隆四年  
張氏李璿妻璿歿氏年甫二十青年守節撫子恩暢入庠乾隆五年 旌

李氏袁大閔妻年十七夫亡奉養翁姑撫姪如子同時施漑妻錢氏年二十八漑亡並守節以壽終

戴氏生員唐陶任妻也年二十三夫歿奉姑教子撫育姪女備極艱苦子典入邑庠乾隆五年 旌

李氏儒童劉煦妻年十七夫歿無子氏斷髮自矢以姪光爲嗣教養備至光已名列膠庠而夫婦繼歿遺孤罄甫數月氏復撫之成立癸卯冬鄰人不戒於火勢逼氏居或勸出避氏曰吾數十年不出門戶乘此以完吾軀耳何避爲須臾風轉火滅鄉里以爲節孝所致乾隆二年 旌

重修棗陽縣志

卷之九

列女傳

五

謝氏千戶史國妻夫歿子光明復早逝姪光先少孤撫若己出教育成名立姪孫汝梅爲明嗣

史氏生員唐以輝妻年二十四夫歿事翁姑盡禮撫育兩孤備歷艱辛年七十以壽終

劉氏縣丞楊萬早妻二十五夫歿時姑猶在堂也事能養志無子撫姪爲嗣無異所生乾隆二十四年 旌如例

楊氏庠生孫暉妻也適孫事舅姑以孝稱並以品學勵夫暉歿氏年二十四無子撫姪爲嗣奉舅姑以終喪葬盡禮乾隆二十五年得 旌如例

劉氏廩生李深繼妻也年二十八深歿撫生前室子爲樞如  
已出同里有吳氏年十六適嚴逾二年夫歿無子氏矢志守  
節立姪炳爲嗣貧窘萬狀志終不渝與劉氏同鄉鄰並重焉  
嚴氏李冲之妻年二十二冲歿無子以姪爲本爲嗣又毛卜  
周妻李氏年十九夫亡子雍生甫四月氏矢志撫孤持家勤  
後雍亦成立

孟氏庠生史志國妻也適史甫二年志國歿氏年二十一無  
子撫姪光宗爲嗣教養成人乾隆二十四年得旌如例

張氏袁璟之妻二十二歲夫歿子甫五月貧無立錐依母氏

重修棗陽縣志

卷之九

列女傳

本

以居兄張翮張翮推產養之俾撫孤成立年九十七而終

周氏李筵妻年二十九夫歿姑老子幼氏仰事俯育孝慈兼  
盡子其楫孫厥中皆諸生有聲庠序

李氏庠生錢體升妻年二十夫歿事姑盡孝撫孤子及幼弟  
皆成立乾隆十五年旌

劉氏邱滢妻年二十三夫歿奉養姑嫜教子本敏成名以優  
貢官荊州府學訓導氏嘗捐修鹿頭店橋人因呼節孝橋

宋氏生員吳邃妻年二十四夫歿遺子廷琦尙在襁褓氏撫  
之慈而兼嚴長爲延名師時課其勤情廷琦弱齡游泮蓋得

力於母教也

李氏生員李峻妻年二十夫歿督教二子長遊黌序兩子繼歿冢媳又亡因與次媳黃氏同撫孤孫成立宗祀不絕家道亦昌

胡氏唐崧妻家赤貧氏紡績以給夫歿有子平章方四月氏依母兄度日訓子得入泮娶媳李氏未幾平章又歿一女始孩貧益不支李氏與姑相守皆以紡績爲生始終無異志又庠生唐崑妻謝氏年十九夫歿撫姪爲嗣貧乏無依兄式南迎歸養之

重修棗陽縣志

卷之九

列女傳

七

張氏謝于進妻年二十四夫歿無嗣又謝應舉妻侯氏年二十夫歿遺孤甫五月又生員謝修妻范氏年二十一夫歿遺孤甫三月皆備歷艱辛守節不渝人呼爲謝氏三節云

張氏楊勳妻年二十四夫歿上奉衰翁下鞠幼子子娶後又以青年早逝媳張氏同矢冰操一門雙節鄉黨欽之

王氏唐奏治妻年十八夫歿無子氏密請於姑爲翁置兩妾生二子長治祥治翁姑繼亡氏撫兩幼弟成立長治生子立以爲嗣乾隆二十年 旌

雷氏庠生楊堪妻年二十三夫歿守節乾隆三十六年 旌

又傅季生妻汪氏年二十一夫歿奉姑鞠子邑令獎給匾額  
嚴氏張約妻年二十五夫歿有子曾社曾威氏教之有義方  
二子俱列膠庠同時有萬成妻徐氏亦以節著乾隆十二年  
皆得 旌如例

杜氏儒生張釗妻也年二十七夫歿上事老姑下訓二子俱  
克成名又有唐永治妻黎氏永治歿氏年二十五上有衰姑  
下有弱子而家又赤貧氏紡績以給養育無缺子善承母志  
家道漸裕焉

張氏生員謝鳳鳴妻年二十四夫歿時翁姑俱在堂遺子折  
重修襄陽縣志

卷之九

列女傳

八

桂未離襁褓氏事親撫子孝慈兼盡人以爲不亞於三節云  
胡氏邱嶠妻也年二十夫歿剪髮毀面嚴若冰霜又賀士楷  
妻曹氏年二十四夫歿無子截髮自矢與胡氏比烈

丁氏邱士義妻也夫歿誓死守貞撫二子俱成立又張復詠  
妻趙氏年二十四夫歿奉事翁姑督教二子亮京俱列膠庠  
又惠澤妻唐氏二十五夫歿無子撫幼姪暨遠教養備至補  
邑諸生又唐際治妻吳氏年二十八夫歿謝希佐妻二十四  
夫歿皆居貧守志訓子成立

張氏侯服周妻也年十九夫歿撫遺腹子玉麟成立入庠又



孺童哀思端妻王氏品端妻王氏皆年十八夫歿俱無子共誓死守志始終不渝

杜貞女許字王從政未嫁而從政夭女聞卽赴夫家依靈守喪服闋母兄欲更爲擇配氏斷一指自誓及翁姑歿家道益窘弟復以微言諷之復斷一指以明志

錢氏王簡之妻二十五夫歿二子幼穉家貧甚雨雪風霜紡績度日又生員袁珠妻吳氏二十二夫歿撫子履端心端嚴慈交盡二子均列膠庠

劉氏王定國妻也二十三夫歿無子奉養翁姑備嘗諸艱翁

重修棗陽縣志

卷之九

列女傳

九

姑歿無以爲殮盡出篋中敝衣貨之邑令陳獎以匾額

鍾氏方得錫妻年二十夫歿茹荼飲藥養姑撫子子娶復與妻相繼亡遺孫步鰲甫一歲氏撫養教育得入黌序又生員袁大昇妻璩氏年二十二夫歿貧苦萬狀事舅姑撫幼穉以節終

張氏鄒琦妻二十三夫歿奉八十老姑朝夕不離左右撫子成立又文綸妻賈氏年二十四綸歿矢志撫孤事姑亦以孝稱

王氏王澤深妻二十二歲夫歿家貧堅貞苦守撫子之元娶

媳張氏甫四年元又故氏憐媳少而悲自命之薄私謂不如速死以了此生且無爲少婦累也持帶如廁將欲自經張聞之趨入抱姑痛哭誓以並死聞者爲之垂涕故王氏雙節流傳爲更烈云

王氏許業儒妻二十四夫歿遺二子作楨作梅俱幼氏撫孤守志雖家業蕭條處之泰然又常克楷妻謝氏年二十四克楷歿無子立姪承祀冰霜之操始終如一又陳天木妻王氏年二十二天木歿奉養衰姑教訓幼子亦能孝慈兼盡

王氏儒童高理妻年二十二歸理甫四月理以疫歿翁姑父

重修棗陽縣志

卷之九

列女傳

十

母相繼逝氏依胞兄思任度日守節以終又董維昌妻姜氏年二十三維昌歿家徒四壁氏事繼姑訓子孝嚴並盡焉  
劉氏陳宏義妻年二十二夫歿遺腹生子撫之成立又王化林妻羅氏年十九化林歿矢志堅貞撫幼成立又儒童王澤迴妻謝氏澤迴歿氏年十八無嗣號泣求自盡不得復斷飲食家人苦勸乃止

張氏謝秉政妻年二十夫歿子猶龍生甫兩月氏撫之成人娶媳張氏猶龍亦故張氏同姑守志撫孤均以壽終又謝希枋妻曹氏二十六歲夫歿家貧守志事姑育子艱苦備嘗

王氏監生張文揚妻二十四夫歿遺子培桂培棟氏守志教子有方二子皆成立又張文昭妻王氏年二十五文昭歿翁姑憐其少使改適氏指天立誓立姪張鉞爲嗣家貧紡績爲生事翁姑以孝稱撫鉞亦恩不傷禮又有段君時妻齊氏年二十八君時歿子幼氏堅冰自矢教子文華成立有名於庠

王氏許聘黃氏子年十六黃氏子死斷髮毀面誓不再受他人聘倚兄紡績守貞邑令張旌以匾額

王氏生員沈祚綿妻也年二十八夫歿撫姪智爲嗣督課成名又生員沈祚佑妻宋氏年二十六祚佑歿守志事姑姑病

重修棗陽縣志

卷之九

列女傳

十一

嚼飯喂羹日夜不懈撫夫幼弟祚光延師課讀得列庠序

李氏生員段履安妻也二十六歲夫亡子錫年甫三歲氏茹荼守志訓子入泮又吉永立妻周氏二十二喪夫永立弟永慶妻駱氏年二十三喪夫生員李士鎔妻楊氏二十四喪夫皆甘貧守志撫子成名

李氏李士銘妻年二十三夫歿姑老子幼氏仰事俯育均得其道又生員彭宏仁妻王氏二十八喪夫子尚幼守志撫孤並以節終

彭氏賀光輝妻年二十八夫歿飲冰茹蘗撫孤有義方又嚴

嗣陵妻謝氏十九喪夫事衰姑能盡孝養遺腹子熾教育兼至苦節終身遠近稱之又監生李崇妻靖氏年十八喪夫遺子兆龍甫一歲氏撫以成立教之甚嚴

李氏謝子德妻也氏年二十二夫歿姑猶在堂氏事姑極孝奉湯藥曉夜不懈又程志仁妻蘇氏二十二喪夫苦節之貞始終如一又毛有清妻程氏二十五喪夫紡織辛勤事姑育子孝慈並稱

盧氏楊維謙妻也年二十九夫歿子億清萬清俱幼家貧仰織紉爲生計萬清娶鮑氏生子宗璵而清死鮑氏養姑撫子重修棗陽縣志

卷之九

列女傳

三

亦以節著

謝氏孫示漠妻也二十歲夫歿無嗣自經幾死姑救免由是從容守志竭力奉姑又萬曰洪妻段氏二十六歲喪夫毀面蓬首嚴若冰霜又汪朝宗妻王氏子婦黎氏俱以青年夫死勵志貞心不貳

高氏文以德妻年二十四夫歿遺孤甚幼舅姑慮其年少微示以意氏覺卽斷指自誓姑爲感泣又王廷璠妻吳氏年二十六喪夫守節撫孤茹苦不辭又儒童伍希土妻王氏年十九喪夫無子撫姪以守又王金先妻李氏年二十三喪夫撫

兩女孤苦貧窘處之泰然

張氏隨州人適邑諸生劉光坤爲繼室年二十坤歿撫前室  
兩女及嗣子錚教養甚篤錚列邑庠曾孫登元中戊子鄉試  
爲之請 旌 以上舊志  
以下新補

霍氏高肇元妻也年二十七夫歿家貧氏持家井井撫子思  
禮以養以教子頽成立家以漸裕子孫繁衍世業詩書增生  
均廩生垣訓導自超其後也

張氏監生李延齡妻也年二十八夫歿撫孤守志性喜施予  
子魁士亦早卒又撫孫方熙成立乾隆四十六年 旌

重修棗陽縣志

卷之九

列女傳

三

萬氏監生史光榮繼妻也年二十二夫歿守志事姑備盡孝  
養撫前室子名彥勉之以學卒使成名嘉慶十一年 旌

謝氏庠生唐之濬妻也年二十三夫歿僅遺一女立姪大琮  
爲嗣溫厚端靜德與節兼孫協中傳中皆庠生合中議敘鹽  
知事合中承濬從弟之棟祀傳中承之 祀

張氏唐大謙妻也二十一夫歿守志不貳撫謙兩妹嫁資從  
厚立姪承祀

周氏隨州廩生鎰之女隴西知縣劉岳母也年十九適岳父  
爲義明年生暑又明年而寡生惟一子而教之甚嚴卒以有

成嘉慶十五年 旌以子貴贈太孀人

宋氏蔡世英妻也年二十八夫歿子國琳方數歲族中無賴子視其孤寡爭魚肉之少拂其意輒劫國琳去必得財而後釋氏憤極以刀自刺其腹死眾鳴於官嚴懲無賴國琳始得安

姚氏楊大化妻也年二十三夫歿夫兄大烈弟大書相繼歿姚與烈妻王氏書妻陳氏相依共守書無子烈子榮妻劉氏化子權娶張氏皆早寡無子立姪承祀一門蓋五節云

楊氏郭世煥妻也年二十五夫歿立姪汝霄汝梅爲嗣嘉慶

重修棗陽縣志

卷之九

列女傳

西

十年 旌汝霄娶馬氏生希魁希斗而亡魁妻閻氏斗妻趙氏皆早寡馬氏與兩媳並矢堅貞王學使以世節揚輝 旌其門

劉氏杜調衡妻也年二十七夫歿家貧事姑撫子孝慈並稱李氏趙一超妻也二十五夫歿撫子克俊成立娶黃氏生子嗣熹而俊亡熹娶何氏踰年亦寡無子以從姪桂爲嗣涂氏陳鐸妻也年十八夫歿翁瞽姑病氏左右扶持始終如一子學泗孫梓杞棠皆庠生

劉氏張光緯妻也年二十二夫歿立姪名銜爲子以上舍生

貢成均又依光銘妻王氏二十三喪夫撫子安仁利仁成立  
安仁娶王氏年十九而安仁亡與姑同守清操

李氏庠生羅必售妻也二十八夫歿子維霖尚稚氏鞠子守  
志辛勤不辭又羅維唐妻熊氏年十八歸唐七月而寡立姪  
秉玉爲嗣娶邱氏二十二亦寡遺子公朝姑媳共撫之

姜氏監生周希黠妻也青年喪夫誓不再適又周希庸妻邢  
氏年二十五喪夫哀毀失明猶晝夜紡績以爲事畜之資  
彭氏李良妻也良死以胞姪拔萃爲子娶媳吳氏生二子一  
女而寡吳氏以節稱

重修東陽縣志

卷之九

列女傳

五

段氏邑廩生寬女年二十適隨州周治洪逾四年而治洪歿  
氏撫幼子杰守志其孫婦謝氏亦東陽人早寡無子立姪爲  
嗣善持家夫甥劉丕華家貧甚之將歿命子分產與之

楊氏周萬華妻也年二十九夫歿遺子二長鐸次鉅鉅婦張  
氏亦青年喪夫無子姑媳相依苦節以終

衛氏郭汝漢妻年二十九漢亡哀毀喪明子希善希誠俱幼  
日授論語少長就傅讀書有聲皆得力於母教也

常氏張世清妻也年二十八夫歿遺子坦氏撫以立志又張  
世順妻劉氏年二十喪夫無子撫夫幼弟爲授室生子明修弟

死氏撫養以承雙祧云

杜氏孔繼榮妻也年二十四夫歿無子矢志守節立姪廣典爲嗣又文世楷妻伍氏年二十二喪夫無子以姪芳爲嗣嘉慶初年教匪滋事姑楊氏年老步履維艱欲自經氏泣諫而止終獲保全

房氏劉垣妻也年二十七垣歿遺子繼榮繼曾氏教榮讀而使曾耕治家有法遂致中資垣弟壘妻趙氏亦早寡事翁姑以孝聞教子繼成亦如房氏之禮法

劉氏吳自修妻也年二十八夫歿遺子文華娶媳陳氏生孫重修棗陽縣志

卷之九

列女傳

夫

啓哲華又天姑婦相依共撫弱孫家貧勞瘁以終謝氏楊倩妻也年二十九夫歿子春華方數歲氏愛之雖篤而教之甚嚴華以馴謹稱孫汝霖諸生

沈氏吳文灼妻也年二十夫歿子耀廷甫一歲氏撫育有方耀廷與子暉吉皆列邑庠其姪孫婦胡氏十八而寡無子茹荼自甘立姪行謙爲嗣

孫氏李大忠妻也年十九夫歿撫子振甲姪殿甲恩養如一又蔣瀛川妻陳氏年二十九喪夫守志養姑立姪廷槐爲嗣張氏增生胡鼎銘妻也年十九夫歿撫子欽一勉之以學弱



弱冠入庠道光十五年 旌

趙氏胡道明妻也年二十四夫歿子芳甫三歲氏撫之教養兼至清操苦節著於里黨邑人詠其潛德者甚眾芳卉皆萃藏之道光十五年 旌道明弟道成之妻楊氏亦早寡無子與嫂同守貞操亦相類云

易氏張再謙妻貢生鑠之母也年二十六夫歿守節撫子勉之以學卒能有成學使王公贈芳獎以匾額

李氏楊世儒妻也生子履法而夫歿姑亦繼亡祖姑年逾八十氏慨然守志事祖姑生養死葬盡禮盡哀邑人仰敬重之

重修棗陽縣志

卷之九

列女傳

七

唐氏楊立楷妻也年二十五夫歿子廷煥廷煌俱幼氏事孀姑撫穉子守節三十餘年而終

史氏楊立本妻也年二十夫歿弟婦尙氏年未三十亦喪夫皆無子矢志共守史以從姪廷焯爲嗣尙以從姪孫崇坦承祀史氏嘉慶二十四年 旌史氏有女適生員孫第欽早孀亦以節著崇坦妻張氏生子汝璧而寡治家課子以勤謹稱弟立極妻張氏亦以青年守志史氏多節爲邑所稱

黃氏周振宗妻也嘉慶初教匪逼棗陽振宗遇賊力戰死母老子幼氏負姑攜子奔走於亂離之中卒獲保全實節孝盡云

烈婦二劉氏者姊妹也並有姿容甯夏同知李天植納爲妾天植死二劉方少艾同矢志貞操逆匪之亂同家人出避賊於山谷間賊將至恐爲所掠相攜入路傍空寺以帛自經時知府張鎔督餉至棗聞而義之爲之請旌

張氏包兆貴妻也年二十三夫歿惟遺一女立姪希哲爲嗣又邢有讓妻王氏年二十八喪夫亦僅一女家貧織紉以生又李煌妻張氏王正財妻陳氏皆二十二喪夫均撫子守節袁氏劉學海妻也生子保元而寡年未三十竭力撫孤勤勞至老不倦又監生張紀元妻王氏二十八喪夫子懷瓊尙幼

重修棗陽縣志

卷之九

列女傳

六

矢志撫孤與袁氏同

曲氏附貢生郭登鼈妻也年二十二夫歿撫前室子凌南如已出姑病痺躬侍湯藥歷久不怠勉凌南以學早列邑庠江氏庠生劉登甲妻也年二十六夫歿子大鈺尚幼翁姑已老氏仰事俯育以孝慈稱

劉氏李璵妻也嘉慶二年逆匪入李家樓璵與祖藏修俱遇害氏攜幼子豐亨依父爲爍以居日夜紡績撫子成人氏弟岳女適隨州李長久未及百日長久以疫卒氏冰蘖自甘百折不移族屬莫不憐其少而凜其節時餽遺之

王氏邑人嘉猷女適隨州汪泮逆匪之亂氏隨泮同族眾避山中賊掩至殺泮氏將奔與俱死族人強止之無子無產夫堂姪本瀛給田贍養之以終

馬氏王椿妻也生子占魁而椿歿氏矢志撫之又田珊妻廖氏青年早寡事姑撫子鄉里著聞子三品能承母教入庠爲邑諸生所重

葉氏邱亨燦妻也年二十六夫歿子先知先友俱幼氏依其弟紹禮居紡績自給亨燦族弟亨嘉妻張氏年十八適邱未週歲而夫歿遺子甫一月堅志撫孤與葉氏同

重修棗陽縣志

卷之九

列女傳

九

楊氏盧昇榮妻也年二十八夫歿子紹春紹武紹華皆幼氏曉夜辛勤以鞠育之又王敬德妻段氏年二十九夫遠貿客死貧無立錫歸依弟家紡績度日又隗又謨妻邱氏年二十八夫歿無子立姪章璉爲嗣又旦必元妻王氏張恒泰妻趙氏皆二十一喪夫苦節並如楊邱云

汪氏隨州人通山教諭德謙妹也年十八適邑人傅汝權踰年權死值逆匪之亂氏殮畢自經以殉

袁氏陳大雅妻也年二十六夫歿子光雲甫三歲氏養老姑撫穉子孝慈並著又張慎斌妻張氏年二十八喪夫子銘西

亦幼事姑撫子與袁氏同

馬氏唐錫妻也年二十六夫歿三子俱幼又劉魁妻李氏亦二十六歲喪夫子梅甫三歲皆家貧艱苦自守以節終

仝氏監生周超宗妻也夫死自經以殉又王某妻簡氏年十六夫死矢志守貞嫂欲嫁之屢以惡語相侵氏呼天號泣閉戶自剄

王氏諸生大桐姊也適耿煊年二十九夫歿子女俱幼撫孤養親以堅貞自守其妹適武生傅興元亦二十九而寡無子立姪光宇爲嗣

重修棗陽縣志

卷之九

列女傳

三

劉氏孫光道妻也二十四夫歿子明新尙在襁褓夫弟光德亦幼氏撫子及弟矢志不渝

許氏張銘訓妻年二十三夫歿無子立姪濟爲嗣濟堂兄泮繼妻張氏年二十喪夫撫前室子恩勤備至閭里稱其賢節尹氏通渭令史登儁側室也年二十儁卒於官氏與冢室張扶柩歸守節以終又羅氏年十九爲拔貢史名修側室甫數月修歿遺腹生女正室亦死遺二女俱幼氏立修姪葆年爲嗣一子三女視之如一

武氏監生宋佩璠之側室也年十九而寡氏仰事俯畜致情

盡禮氏無出歿後公立佩璫姪庠生步瀛承其祀步瀛以城工議敘鹽知事銜氏得受賜贈焉

劉氏衛千總李蒼妻也蒼無子以轉漕卒於塗氏聞訃自經死立姪逢泰承祀

高氏劉埭妻也年十九夫歿撫子繼新成立授室後子媳俱亡遺孫丕著始孩氏復撫之以長著又故氏一慟而絕

劉氏唐自中妻也自中夙有痼疾結禡時不能成禮氏調藥餌供扶掖者三年夫卒不起欲以身殉嫂王氏諭止之家貧與嫂事八十老姑仰十指以給朝夕

重修棗陽縣志

卷之九

列女傳

三

張氏丁秉道妻也二十四夫歿遺一子又陳紀妻傅氏僅一女皆守節以終

吳氏羅紹南妻也年十八夫歿子全柱甫數月其親或勸之嫁氏色愠以死自誓家貧身親稼織供養老弱翁年逾八十病痺衣食需人氏殷勤扶掖歷久不倦全柱成立事母亦以孝稱

張氏隨州人適邑儒童史履和年二十三夫歿一女始孩翁姑相繼歿遺弟妹俱幼氏撫養婚嫁艱苦備嘗立姪玉裁爲

嗣道光二十一年 旌

彭氏王光照妻也年二十七喪夫無子撫姪明重爲嗣娶白氏生子心泰八月而孤姑媳同志紡績自資

周氏胡朝蘭妻也年二十四夫歿子女俱幼家貧翁老氏竭力支持事親教子皆循禮法

韓氏衛廷楠妻也年二十二夫歿子百仁甫周歲氏撫之以長娶郭氏生孫世錕數月而孤姑媳共勵冰操

羅氏庠生包蒙古妻也年三十夫歿遺子女各一氏撫之以成子羣章娶楊氏甫五月而章夭楊氏年十七姑媳相依爲命以堂姪某承祀

重修棗陽縣志

卷之九

列女傳

三

高氏隨州人適邑人張紱年二十四夫歿二子一女俱幼氏辛苦力作踰六十始歿女適貢生杜子浩亦早寡能守節

丁氏駱應鸞妻也年二十九夫歿子名駒尚幼辛苦操作撫之成立又武金煥妻周氏亦二十九而寡撫子文照成立與丁氏同

李氏郭汝翼妻也年二十六夫歿敝衣糲食苦守終身又張朝選妻蔡氏年二十三夫歿家貧依姪增生書堂以居針紉自給

羅氏增生杜德純妻也姑高氏病危氏籲天求代割股以進

姑疾旋瘳人以爲誠孝所感

王氏吳興連妻也年二十五夫歿僅一女貧無所依夫姪諸生化南迎養之

黃氏張鵬健妻也年二十六夫歿子涌方四歲氏養老撫幼操作不倦又錢聯元妻楊氏生子天照而寡矢志守節撫子成人

賀氏庠生張第奎妻也奎應鄉試途次病卒及柩歸氏哀痛欲絕以親老子幼矢志自守子徽聲入庠

于氏李秀東妻也年二十四夫歿無子無產依姪明桂織紉

重修棗陽縣志

卷之九

列女傳

三

以生又杜文藻之姊適吳某年二十四而寡矢志以節終

陳氏貢生郭希古妻也年二十八夫歿撫子大然大謹課耕課讀家以之阜又何中和妻劉氏早孀撫子慶成授室生子慶成亦死氏翁可權猶存氏事之生死盡禮

馮氏周啟南妻也適啟南數年無子卽爲夫納妾曹氏年二十九夫歿氏與曹撫子培堂矢志共守

杜氏楊國梁妻也生一子而寡家貧難苦萬狀撫子以成又陳文榮妻施氏年二十八喪夫無產無子依弟萬載紡績自給又侯德林妻陳氏年二十八林歿依父尚達以居紡績自

資守節以終

馬貞女唐家店農家女也幼字某氏未嫁而某遠出無耗父將更擇嫁女不可待之終身年八十始歿

劉氏袁榕妻也年二十八夫歿遺二女家無立錐氏奉姑育女仰給十指立夫從弟杰子爲嗣

張氏劉繼緒妻也年二十九夫歿撫子丕健及二女成立氏次妹適緒族弟繼修年二十生子丕揚彌月而寡姑劉氏亦早孀性嚴厲氏委曲承順人無間言

陳氏王光瀾妻也年二十四夫歿撫夫弟光潤子明元爲子

重修棗陽縣志

卷之九

列女傳

五

教養以禮又杜朝周妻王氏二十三喪夫無子截髮毀面誓以死守立從姪爲嗣

周氏生員張光均妻也夫歿欲以身殉翁庠生慎獨諭以大義爲立嗣乃止養親育子閭里稱賢又張光清妻白氏年二十喪夫二子皆幼舅姑已老氏上事雙親下撫弱穉一家八口賴其十指

張氏何成海妻也年二十一夫歿夫弟成文繼歿皆無子與娣司氏相依而守又李朝安妻劉氏二十四喪夫無子矢志自守立姪學貴爲嗣



李氏蔡宗典妻也年十九夫歿無子氏守志養親姑篤病侍湯藥日夜不懈夜深暈倒雪地既甦如故

羅氏陳明德妻也年二十夫歿上有老姑下有幼子仰事俯畜辛苦倍嘗又張玉玠妻楊氏亦以堅貞自矢又廖存誠妻白氏二十四而寡家貧織紉以生人罕識面

任氏邑人楚環之女適隨州龔明适二十一歲喪夫矢志撫孤備歷艱辛以節終焉

牛氏李先第妻也年二十四夫歿遺腹子崇本及長勉之以學崇本得入泮又邵榮貴妻劉氏年十九喪夫遺腹生子魁重修棗陽縣志

卷之九

列女傳

五

家貧紡績自資終日勤勤雖戚黨罕識其面  
李氏劉慙之妻也年二十二夫歿生子道招甫數月矢志撫之及長又死立姪道培爲嗣

霍氏邑人葉正陞妻也年二十二夫歿又崔明順妻杜氏十九歲歸崔越一月而夫亡皆無子女冰蘖自甘終身如一日又張光甫妻秦氏年二十五喪夫家貧撫子守志以針紉自給又宋先開妻杜氏年十九歸宋越三載而夫歿家赤貧子士敏甫一歲氏撫之成立紡績助讀

唐氏劉繼序妻也年二十四喪夫無子撫姪丕楹爲子以苦

節著又任觀瀾妻劉氏年十九而夫歿或勸之嫁氏截指毀面以死自矢立姪積慶爲嗣撫養成人

張氏楊廷炳妻也年十九歸炳五月而寡撫從姪崇墉爲子崇墉娶周氏數月以疾卒寡媳孀姑相依爲命形影之感宗黨哀之

李氏邑人近望之女適唐邑趙朗年十八朗死家貧守志姑善病久不痊委頓牀褥氏侍左右調湯藥寒暑不倦累年田氏李公輔妻也年二十七夫歿子廷侯甫週歲氏撫子守志爲廷侯授室陳氏姑媳共井曰俾廷侯得力於學已抱孫

重修棗陽縣志

卷之九

列女傳

三

矣數年廷侯以疫亡氏與媳共撫遺孫訓以耕讀親見元孫鄭王氏邑之崔橋里職員鄭國昌國茂之祖母也年十六歸鄭生子扶乾值教匪倡亂夫戕於賊家業俱遭焚掠氏年方二十一苦節自矢撫扶乾成人爲之授室不數載扶乾及婦相繼歿國昌國茂俱幼氏鞠育兩孫教育兼備持家井井老而彌勤致兩孫得博顯揚實女中之矯矯者也

朱氏儒士王守謙之妻職員永德永吉之母也年二十六喪夫維時翁姑在堂兩孤俱幼氏苦節自甘事上鞠下養撫交盡後爲永吉取黃氏女甫三年永吉又歿黃時年二十奉侍

孀姑婦全子職又楊履賢妻郭氏年二十一喪夫楊履俊妻  
侯氏亦早寡一門兩節垂老無玷亦可與朱氏姑媳後先輝  
耀矣

黃氏貢生王世鰲妻也年二十六夫歿事姑撫子矢志不渝  
又錢葵妻馬氏二十五歲喪夫苦節撫孤亦如黃氏焉

郭氏張克任妻也年二十三夫歿方有娠繼姑某氏欲嫁之  
氏矢志不貳姑強之以死誓及生子姑百計圖害以家貲尚  
裕欲絕之得其田產也氏抱兒紹棠歸依母家以免

吳氏李宗武妻也年十六夫歿子士珍甫六月族人窺其孤

重修棗陽縣志

卷之九

列女傳

七

利其產謀嫁之氏潛歸母家假屋以居不羣李氏戶庭者二  
十餘年後士珍成立如歸

陳氏高埈妻也年十九喪夫矢志守節埈歿無子亦無兄弟  
氏勸翁納妾生子壻而翁姑相繼歿氏送老撫幼爲壻授室  
數年無子復爲壻置妾以衍宗祧

高氏周械年妻也械歿氏年未滿三十有三子門內多故氏  
安厝翁姑及夫訖攜子歸依母家守志教子遠近人共稱其  
賢同里有李烈女者農民朱升養媳也未成婚而升子死謀  
嫁之女乘間赴水救之已無及矣

羅氏農民邱大禮妻也年二十三夫歿家貧甚居斗室大禮  
辰死午葬是夕地痞馬二萃及其族人馬相迫劫之欲以成  
婚氏以刀刺腹死戚鄰控官捕二萃與相悉置之法隨案請  
旌又盧春輝女年十六比鄰馬氏子乘間欲犯之女忿投繯  
死春輝控於官重懲馬氏子問流亦隨案請旌

李氏朱明富妻也二十四夫歿遺二子翁姑相繼歿家無斗  
筲變奩營葬後針紉度日教子一賈一讀皆能勤其職

趙氏諸生劉之屏妻也夫歿無子屏弟之藩妻高氏生子柁  
而寡共撫一子成立娶唐氏生爲熾熾娶任氏生堂堂娶唐  
重修棗陽縣志 卷之九 列女傳 三  
氏生繼黎繼黎娶杜氏生丕承丕承娶徐氏生宏緒七婦皆  
青年喪夫撫孤單傳以存先祀

汪氏吳宗仁妻也年二十七仁遇逆匪之害有遺腹族人利  
其產謀奪其志氏以死自誓後生子化南教之學化南英年  
入庠又陳大成妻劉氏羅必憲妻田氏林永茂妻董氏皆以  
年少喪夫矢志不貳撫子成人均以節終

陳烈女幼字高闢兒寄養夫家年十六尙未完婚村中有夜  
劇家人皆往觀女獨畱紡績以守門戶有強暴驀入室欲污  
之氏驚呼奔出強暴搥殺之棄屍池中厥明浮出面如生鄉

人爲勒烈女碑

曹氏張維藩妻也年二十八夫歿守志事姑立姪承嗣教育成立同時有旦喜元妻胡氏亦以青年喪夫家貧守志養姑撫子苦節畧與曹氏同

李氏邑人李成林之妻年二十四喪夫時翁姑在堂遺孤方襁褓氏奉親撫子備歷辛勤無何遺孤亦歿氏愈傷事雙親竭其力之所及喪葬亦盡禮學使杜公翰表其閭曰苦節純孝里黨爲刻石立墓之旁

張氏駱正發之妻毛氏游增之妻皆青年喪夫矢志柏舟育

重修棗陽縣志

卷之九

列女傳

九

孤承嗣張氏家無恒產孀姑病盲動起須扶掖時值逆匪之亂氏奉姑攜子避難母家山谷中毛氏則逝世殉夫親族謂之日子方一歲翁媪年又邁汝死老幼將何依氏聞之悟強起理井臼躬任操作生養死葬撫孤成人爲里黨所重

鍾氏張朝杰之妻劉氏鄭廷元之妻宗氏侯砌之妻夫歿年皆少篤從一之義竭菽水之歡又有董效昌之妻遠氏年二十一效昌死氏雖有遺腹誓不獨生其時孀姑寡母皆存母又善病兩族以此責之氏乃截髮自矢三月遺腹兒生差幸效昌之有後也縣令吳輝珺表其門又林董氏家無產業夫

歿事姑育子茹苦四十餘年

習氏庠生靳敦榮之繼室年十八歲歸敦榮歷七載而敦榮歿撫前妻子燁以養以教使燁成立爲名諸生庠生錢文元妻靳氏二十六歲喪夫撫前妻子亦養育有禮內外無間言其時撫孤成立者有李玉富妻管氏年二十喪夫遺一子靳可梅妻曾氏夫亡撫孤十九年而子死哭之幾至喪明有朱登福妻李氏夫亡無子撫夫弟登壽能不墜先聲論者謂管氏曾氏爲尤難能云

陳氏龔崇善之妻年十六歸崇善未幾夫歿舅姑以其年少

重修棗陽縣志

卷之九

列女傳

三

使人微探其意氏絕粒求死舅姑遂以成其志焉其同姓兆祥妻曹氏年十九適兆祥不數月而兆祥歿父母亦憐其年少私問之氏以死自誓其志終不可奪

李烈女邑人天祿之女也幼字周如意爲婚年甫十五未嫁婿病故女聞欲往守節父母不從女號哭終日及夕自縊鄰里皆太息之

錢氏張勳之妻也年二十四夫歿遺一女姑年邁氏事姑教女各盡其道又遂允新之妻張氏年三十一喪夫無子事舅姑以孝聞任觀法之妻錢氏年二十二夫歿子甫彌月事姑

鞠子孝慈兼盡

孫氏王世傑之妻也十八歲歸傑生二子而傑歿氏不食者數日舅姑百端曲喻乃進食年甫二十三有至戚勸之嫁氏曰從一而終婦道也况親老子幼乎始終不渝又王文選之妻杜氏選歿氏年二十五有二子舅姑老且病氏苦節力作養親育子與孫氏同稱

蔣氏王君太之妻二十三喪夫無子女家貧而翁瞽伯氏病癡氏獨力撐支勤於操作紡績一家老幼殘廢賴之以生立族姪爲嗣又王化彰之妻王氏年二十而彰歿遺一子未週

重修棗陽縣志

卷之九

列女傳

三

歲翁姑相繼逝族眾利其產謀嫁之氏携子歸依母家子又歿近無親屬田產遂爲他人所佔氏備歷艱苦四十餘年不易其操

王氏齊温王之妻年二十二王歿遺一子苦節自甘又陳貴順之妻龔氏年二十二喪夫遺一子甫襁褓兩氏皆能撫子成立至死靡他又邱光耀妻楊氏耀歿時氏年二十二無子翁姑在堂氏孝事雙親喪葬無悔立姪爲嗣

李王氏邑人士華之妻大榮大福之母也士華歿氏年二十九大榮甫九歲大福四歲家僅中貲氏延師教二子館穀必

竭力所居近市屢戒勿得近遊戲子弟自塾歸必考其功課  
大榮長念母氏劬勞遂置詩書權子母家道日裕氏歿於道  
光二十四年蓋六十有九歲矣前縣熊旌其門曰仗節成家  
云

孺人張劉氏前任荊州營守備劉鳳之女提標後營把總張  
天衢之妻也天衢原籍襄陽以官於棗隨家焉氏秉承父訓  
性嚴恪于歸後事翁姑能先意承志佐夫循禮法勗以忠義  
天衢在公勞瘁歿家無餘財氏年二十六有子四人女一人  
皆幼氏仰事俯育以一身撐支生養死葬婦而代子教男課

重修棗陽縣志

卷之九

列女傳

三

女慈而兼嚴長子廷杰效力行伍廣東崇陽軍功得八品職  
銜奉職後營以防堵勤勞膺保薦次子廷富三子廷謨四子  
廷碧並以軍功蒙各大憲賞給頂戴皆得力於母教也

翟氏許樂之妻年二十一喪夫遺一子樂之弟樹娶妻王氏  
四年而樹歿無子僅遺一女翟與王妯娌同矢堅貞事翁姑  
以孝稱撫幼子弱女皆如所生五十餘年家道日昌

李氏襄陽人諸生本立妹也少聰慧讀論語孝經皆上口年  
十八適邑庠生郭耀南生子大純方三月夫故氏以清操自  
矢事老姑能得其歡心析產取薄者大純甫能言卽以粉版



書字教之稍長使從師而躬自紡績大純偶廢學歸氏毀紡車懲之曰吾所以紡績者佐汝讀也汝不學吾安用紡爲大純感母意卒自力於學人以爲有孟母風焉

操氏庠生郭相城之妻也相城歿氏年二十七歲矢志守節孝養舅姑教育孤子其子例貢生郭希古孝謹能自立未中年而卒妻陳氏亦守節另記

侯氏郭汝需妻也汝需歿氏矢志守節孝親撫孤閭黨以賢德稱學使王贈芳題松栢永貞匾額旌其門卒年八十有四陳氏生員郭希中妻也希中年二十八而歿氏守貞撫孤子

重修棗陽縣志

卷之九

列女

三三

大綱娶媳李氏未幾大綱亦歿鞠堂姪大綸子裕圻爲綱嗣仝氏監生郭光煒妻也光煒歿年二十有五氏年少孀守節孝兩全鄉里咸欽敬之

郭氏楊履道之妻貢生郭希古之次女也履道歿氏年二十有七以堅貞自守子女各一逾年子亦殤

郭氏魏克勤妻生員郭凌南長女也克勤歿氏年二十有八遺孤學聖甫數歲家故中落親捺織紵裕如也舅娶繼姑諸姊妹皆不爲禮氏獨愛敬之無少懈蓋節孝兩全云

孫氏郭希岱妻也家貧早孀事姑高氏孝養備至姑因久病

目將盲醫藥罔效飲食不下咽氏禱於神願姑增壽目且明  
閉門以力割胷左肉爲以進姑食而甘之飲食漸進病旋瘳  
一時聞者咸以爲至孝所感云

謝李氏夫歿氏年二十有九姑老子幼貧無依賴氏備以事  
畜時人高其苦節稱義母云